




山川典第二百五十一卷

淮水部彙考一

東瀆大淮

淮水發源于今河南南陽府桐柏縣之胎簪山東流逕桐柏山下又東逕信陽確山真陽羅山新蔡息縣光山固始諸境凡合數十大水並流入江南激蕩于霍丘壽州懷遠臨淮鳳陽諸境又合數大水至泗州忽分爲二一自草嘴劉溝洪澤湖東流至清河縣天妃閘河口會黃河入海一由大澗口入湖由湖入江以達于海

考

按書經夏書禹貢海岱及淮惟徐州淮沂其父

疏

淮出桐柏山

蔡傳

曾氏曰淮之源出于豫之境至揚

徐之間始大其泛濫爲患尤在于徐故淮之治于徐言之也

導淮自桐柏東會于泗沂東入于

海

疏

地理志云桐柏山在南陽平氏縣東南淮水所出水經云出胎簪山東北過桐柏山胎簪蓋桐

柏之傍小山沂水出泰山蓋縣南至下邳入泗泗水出濟陰乘氏縣至臨淮睢陵縣入淮乃沂水先

入泗泗入淮耳蔡傳水經云淮水出南陽平氏縣胎簪山禹只自桐柏導之耳沂入于泗泗入于淮此

言會者以二水相敵故也入海在今淮浦

按周禮夏官職方氏正東曰青州其川淮泗

訂義

易氏曰禹貢導淮自桐柏漢志高陽郡平氏縣桐柏

大復山在東南唐以其地爲桐柏縣屬唐州淮水所出東流至蔡州之眞陽流至申州之義陽縣今爲信陽軍信陽縣又東流至光州主城縣又東北流至濠州招信縣今屬泗州本漢臨淮郡淮陵縣地乃古徐州之域卽漢志所謂淮至淮陵入海者也又東北經楚州之盱眙縣今爲盱眙軍與泗州隔淮相對又至楚州山陽縣入海

按爾雅釋水淮爲潁

按山海經海內東經淮水出餘山餘山在朝陽東義鄉西入海淮浦北注今水出義陽平氏縣桐柏山

按春秋說題辭淮者均其勢也

按漢書地理志南陽郡平氏

注

禹貢桐柏大復山在東南淮水所出至淮陵入海

廬江郡

注故

淮南文帝十六年別爲國金蘭西北有東陵鄉淮水出焉

九江郡曲陽注應劭曰在淮曲之陽

東海郡曲陽

注應劭曰在淮曲之陽

丹陽郡陵陽

注桑欽言淮水出東南北入大江

按淮南子地形訓淮出桐柏山

按後漢書郡國志琅邪國姑幕

注博物記曰淮水入城東南五里

南陽郡平氏桐柏大復山淮

水出

注荊州記曰桐柏淮源湧發其中潛流三十里東出大復山南山南有淮源廟

按水經淮水出南陽平氏縣胎簪山東北過桐柏山

注山海經曰淮出餘山在朝陽東義鄉西尙書

導淮自桐柏地理志曰南陽平氏縣王莽之平善也風俗通曰南陽平氏縣桐柏大復山在東南淮

水所出也淮均也釋名曰淮韋也韋繞揚州北界東至於海也爾雅曰淮爲潁然淮水與酆水同源

俱導西流爲酆東流爲淮自潛流地下三十許里東出桐柏之大復山南謂之陽口水南卽復陽縣

也闕駟言復陽縣胡陽之樂鄉也元帝元延二年置在桐柏大復山之陽故曰復陽也東觀漢記曰

朱祐少孤歸外家復陽劉氏山南有淮源廟廟前有碑是南陽郭苞立又二碑並是漢延熹中守令

所造文辭鄙拙殆不可觀故經云東北過桐柏也

淮水又東逕義陽縣注縣南對固成山山有

水注流數丈洪濤灌山遂成巨井謂之石泉水北流注于淮

淮水又逕義陽縣故城南

注義陽

郡治也世謂白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡于安昌城又太康記晉書地道記並有義陽郡以南陽屬縣爲名漢武帝元光四年封北地都尉衛山爲侯國也有九渡水注之水出鷄翅山磧澗澮委沿遡九渡矣其猶零陽之九渡水故亦謂之爲九渡焉於磧之東山有一水發自山椒下數丈素湍直注頽波委壑可數百丈望之若霏幅練矣下注九渡水九渡水又北流注于淮

東過江夏平春縣北

淮水又東油水注之

注水

出縣西南油溪東北流逕平春縣故城南漢和帝建初四年封子全爲王國淮水又東曲岸北有一土穴徑尺泉流下注沿流波三丈入于油水亂流南屈又東北注于淮淮水又東北逕城陽縣故城南漢高帝十二年封定侯奚意爲侯國王莽之利新也魏城陽郡治

淮水又東北與大木水合

注水西出大木山山卽晉車騎將軍祖逖自陳留將家避難所居也其水東逕城陽縣北而東入于

淮 淮水又東北流左會湖水

注

傍川西南出窮溪得其源也

淮水又東逕安陽縣故城南

注江國也嬴姓矣今其地有江亭春秋文公四年楚人滅江秦伯降服出次曰同盟滅雖不能救敢

不矜乎地理志曰漢乃縣之呂后八年封淮南厲王子劉勃爲侯國王莽之均夏也

淮水又東

得瀨口水

注

源南出大潰山東北流翼帶三川亂流北注瀨水又北逕賢首山西又北出東南屈逕

仁順城南故義陽郡治分南陽置也晉太始初以封安平獻王孚長子望本治在石城山上因梁希
侵逼徙治此城齊司州刺史馬鮮卑不守魏置郢州也昔常珍奇自懸瓠遣三千騎援義陽行事龐
定光屯于瀨水者也瀨水東南流歷金山北山無樹木峻峭層峙瀨水又東逕義陽故城北城在山
上因倚陵嶺周廻三里是郡昔所舊治城城南一十五步對門有天井周一百餘步深一丈東逕鍾
武故城南本江夏之屬縣也王莽之當利縣矣又東逕石城山北山甚高峻史記曰魏攻冥阬音義
曰冥阬或言在酈縣箱山也按呂氏春秋九塞其一也瀨水逕酈縣故城南建武中世祖封鄧邯爲
酈縣侯蘇林曰音盲瀨水又東逕七井岡南又東北注于淮淮水又東至谷口谷水南出鮮金山北
流至懸水注之水出西南具山東北逕光淹城東而北逕青山東羅山西東北流注于谷水谷水東
北入于淮 又東逕新息縣南

注

淮水東逕故息城南春秋左傳隱公十一年鄭息有違言息侯

伐鄭鄭伯敗之者也

淮水又東逕浮光山北

注

亦曰扶光山卽弋山也逕新息縣故城南應劭

曰息後徙東故加新也王莽之新德也光武十九年封馬援爲侯國外城北門內有新息長賈彪廟

廟前有碑面南又有魏汝南太守程璜碑魏太和中蠻田益宗効城立東豫州以益宗爲刺史淮水

又東合慎縣水水出慎陽縣西而東逕慎陽縣故城南縣取名焉

史記索隱曰慎陽屬汝南如淳曰音雲關駟曰合作慎陽永平五年

失印更刻遂誤以水爲心

漢高帝十一年封樂說爲侯國潁陰劉陶爲縣長政化大行道不拾遺以病去官童謠

歌曰悵然不樂思我劉君何時復來安此下民見思如此應劭曰慎水所出東北入淮慎水又東流

積爲陂陂水又東南流爲上慎陂又東爲中慎陂又東南爲下慎陂皆與鴻陂水散流其陂首

受淮川左結鴻陂漢成帝時翟方進奏毀之建武中汝南太守鄧晨欲修復之知許偉君曉知水脈

召與議之偉君言成帝用方進言毀之尋而夢上天天帝怒曰何敢敗我濯子淵是後民失其利時

有童謠曰敗我陂翟子威及子覆陂當復明府興復廢業童謠之言將有徵矣

漢書汝南舊有鴻陂大陂郡以爲饒成帝

時關東數水陂溢爲害翟方進爲相奏決去陂水有童謠曰壞陂誰翟子威飯我豆食羹芋魁反手覆陂當復誰云者兩黃鵠

遂署都水掾起塘四百餘里百姓得

其利陂水散流下合慎水而東南逕息城北又東逕南入淮謂之慎口淮水又東與申陂水合水上

承申陂于新息縣北東南流分爲二水一水逕深丘西又屈逕其南南派爲蓮湖水南流注于淮淮

水又左逕流結兩湖謂之東西蓮湖矣

淮水又東右合壑水注水出白沙山東北逕柴亭西俗

謂之柴水又東北流于潭溪水合水發潭谷東北流右會柴水柴水又東逕黃城西故弋陽縣也城

內有二城西卽黃城也柴水又東北入于淮謂之柴口也

淮水又東北申陂枝水注水首

受陂水于深丘北東逕釣臺南臺在水曲之中臺北有琴臺又東逕陽亭南東南合淮

淮水又

東逕淮陰亭北又東逕白城南

注

楚白公勝之邑也又東北去白亭一十里

淮水又東逕長陵

戍南又東青陂水注之

注

分青陂東瀆東南逕白亭西又南于長陵戍東南入于淮

淮水又

東北合黃水

注

水出黃武山東北流木陵關水注之水導木陵山西北流注于黃水黃水又東逕晉

西陽城南又東逕南光城南光郡治又東北逕高城南故弦高國也又東北逕弋陽郡東有虞丘郭

南有子相廟黃水又東北入于淮謂之黃口淮水又東北逕褒信縣故城南而東流注之者也

又東過期思縣北

注

縣故蔣國周公之後也春秋文公十年楚王田于孟諸期思公復遂爲右司馬

楚滅之以爲縣漢高帝十二年以封賁赫爲侯國城之西北隅有楚相孫叔敖廟廟前有碑

淮

水又東北潯水注之

注

水出弋陽縣南垂山西北流歷陰山關逕二城間舊有賊難軍所謂頓防西

北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入潁水又東北注淮俗曰白鷺水

東過原鹿縣南汝水從西北來注之

注

縣卽春秋之鹿上也左傳僖公二十一年宋人爲鹿上之盟以求諸侯于楚建武十五年世祖更封侍中執金吾陰鄉侯識爲侯國者也

又東過廬江安豐縣東北決水從北來注之

注

廬江故淮

南也漢文帝十六年別以爲國應劭曰故廬子國也決水自舒蓼北注不於北來也安豐東北注淮者窮水矣又非決水皆誤耳

淮水又東谷水入焉

注

水上承富水東南流世謂之谷水也東逕

原鹿縣故城北城側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸爲富陂侯十三州志曰漢和帝永元九年分汝陰置多陂塘以溉稻故曰富陂縣也谷水又東於汝陰城東南

注下有缺字

淮水又東北左會澗水

注

水首受富

陂東南流爲高塘陂又東積而爲陂水東注焦陵陂陂水北出爲鰲陂陂水潭漲引瀆北注汝陰四

周隍塹下注潁水焦湖東注謂之澗水逕汝陰縣東逕荆亭北而東入

淮水又東北窮水入焉

注水出六安國安豐縣窮谷春秋左傳楚救澇司馬沈尹戌與吳師遇于窮谷者也川流泄注于決

水之右北灌安豐之左世謂之安豐水亦曰窮水音戎並聲相近字隨讀轉流結爲陂謂之窮陂塘
堰雖淪猶用不輟陂水四分農事用康北流注于淮京相璠曰今安豐有窮水北入淮淮水又東爲
安豐津水南有城故安豐都尉治後立霍丘戍淮淮中有洲俗號關洲蓋津關所在故斯洲納稱焉
魏書國志有曰司馬景王征毋丘儉使鎮西將軍豫州刺史諸葛誕從安豐津先至壽春儉敗與小
弟秀藏水草中安豐津都尉部民張屬斬之傳首京都卽斯津也 又東北至九江壽春縣西泚

水洪水合北注之又東潁水從西北來流注之

注

淮水又東左合泚口又東逕中陽亭北爲中陽渡

水流淺磧可以厲也

淮水又東流與潁口會東南逕倉陵北又東北流逕壽春縣故城西

注縣

卽楚考烈王自陳徙此秦始皇立九江郡治此兼得廬江豫章之地故以九江名郡漢高帝四年爲
淮南國孝武元狩六年復爲九江焉文穎曰史記貨殖傳曰淮以北沛陳汝南南郡爲西楚彭城以
東東海吳廣陵爲東楚衡山九江江南豫章長沙爲南楚是爲三楚者也 淮水又北左合椒水

注

水上承淮水東北流逕蚬地南又歷其城東亦謂之清水東北流注于淮水謂之清水口者左合

椒水焉

又東過壽春縣北肥水從縣東北流注之

注

淮水于壽陽縣西北肥水從城而北入于

淮謂之肥口淮水又北夏肥水注之水上承沙水于城父縣右出東南流逕城父縣故城南王莽之思善也縣故焦夷之地春秋左傳昭公九年楚公子棄疾遷許于夷實城父矣取州來淮北之田以益之伍舉授許夷田杜預曰此時改城父爲夷故傳實之者也言夷田在濮水西者也然則濮水卽沙水之兼稱得夏肥之通目矣漢桓帝永壽元年封大將軍梁冀孫桃爲侯國者也夏肥水自縣又東逕思善縣之故城南漢章帝章和三年分城父立夏肥水又東爲高陂又東爲天淙陂水出分爲二流南爲肥水北爲雞陂夏肥東流左合鷄水水出雞陂東爲黃陂又東南流積爲茅陂又東爲鷄水呂氏春秋曰宋人有取道者其馬不進投之鷄水是也雞水又會肥水而亂流東注俱入于淮

淮水又北逕山碛中謂之碛石

注

對岸山上結二城以防津要西岸山上有馬跡世傳淮南王乘馬

昇仙所在也今山之東南石上有大小馬跡一十餘所仍今存焉淮水又北逕下蔡縣故城東本州

來之城也吳季札始封延陵後邑州來故曰延州來矣春秋襄公二年蔡成公自新蔡遷于州來謂

之下蔡也淮之東岸又有一城下蔡新城也二城對據翼帶淮濱淮水東逕八山北山上有老子廟

淮水歷潘城南置潘溪戍戍東側潘溪吐川納淮更相引注又東逕梁城臨側淮川川左有湄城淮

水左逕爲湄湖淮水又右納洛川于西曲陽縣北水分閭溪北絕橫塘北逕蕭亭東又北鵲甫溪水入焉水出東鵲甫谷西北流逕鵲甫亭南西北流注于洛水北逕西曲陽縣故城東王莽之延平亭也應劭曰縣在淮曲之陽下邳有曲陽故是加西也洛澗北歷秦墟下注淮謂之洛口經所謂淮水逕壽春縣北肥水縣東北注者也蓋經之謬矣考川定土卽實爲非是曰洛澗非肥水也 淮水

又北逕莫耶山西

注

山南有陰陵縣故城漢高祖五年項羽自垓下從數百騎夜馳渡淮至陰陵迷

失道左陷大澤漢令騎將灌嬰以五千騎追及之于斯縣者也按地理志王莽之陰陸也後漢九江

郡治時多虎災百姓苦之南陽宋均爲守退貪殘進忠良虎悉東渡江

謝承漢書云南陽宗資祖父均趙明誠金石錄云宗資墓

在南陽有天鹿辟邪知宋均當作宗均也

又東過當塗縣北過水從西北來注之

注

淮水自莫耶山東北逕馬頭城

北魏馬頭郡治也故當塗縣之故城也呂氏春秋曰禹娶塗山氏女不以私害公自辛至甲四日復

往治水故江淮之俗以辛壬癸甲爲嫁娶日也禹娶在山西南縣卽其地也地理志曰當塗侯國也

魏不害以圉守尉捕淮陽反者公孫勇者漢以封之王莽更名山聚也

淮水又東北濠水注之

注水出莫耶山東北之溪溪水西北引瀆逕禹墟北又西流注于淮

淮水又北沙水注之

注經

所謂滄蕩渠也淮之西有平阿縣故城王莽之平寧也建武十三年世祖更封耿舉爲侯國郡國志曰平阿縣有當塗山淮出于荆山之左當塗之右奔流二山之間西揚濤北注之春秋左傳哀公十年大夫對孟孫曰禹會諸侯于塗山執玉帛者萬國杜預曰塗山在壽春東北非也余按國語曰吳伐楚驟會稽獲骨焉節專車吳子使來聘且問之客執骨而問之敢問骨何爲大仲尼曰丘聞之昔禹致羣神于會稽之山防風氏後至禹殺之其骨專車此爲大也蓋丘明親承聖旨錄爲實証矣又按劉向說苑辨物王肅之敘孔子廿二世孫孔猛所出先人書家語並出此事故塗山有會稽之名考校羣書及方土一作土之目疑非此矣蓋周穆之所會矣淮水于荆山北過水自南注之又東北逕沛郡義城縣東司馬彪曰後隸九江也 又東過鍾離縣北注世本曰鍾離嬴姓也應劭曰縣故

鍾離子國也楚滅之以爲縣春秋左傳所謂吳公子光伐楚拔鍾離者也王莽之蠡富也豪水出陰陵縣之陽亭北小屈有石穴不測所窮言穴出鍾乳所未詳也豪水東北流逕其縣西又屈而南轉東逕其城南又北歷其城東逕小城而北流注于淮 淮水又東逕夏丘縣南注又東渙水西入

九里注之渙水又東南流逕離丘縣故城南又東逕承匡城又東逕襄邑縣故城南故宋之承匡襄

牛之地宋襄公之所葬故號襄陵矣竹書紀年梁惠成王十七年宋景公衛公孫倉會齊師圍我襄陵十八年惠成王以韓師諸侯師于襄陵縣齊侯使楚景舍來求成公會齊宋之圍卽于此也西有承匡城春秋會于承匡者也秦始皇以承匡卑濕徙縣于襄陵更爲襄邑也王莽以爲襄平也漢桓帝建和元年封梁冀子胡狗爲侯國陳留風俗傳曰縣南有渙水故傳曰睢渙之間出文章天子郊廟御服出焉尙書所謂厥篚織文者也渙水又東南逕已吾縣故城南又東逕鄆城北春秋襄公元年經書晉韓厥帥師伐鄭魯仲孫蔑會齊曹邾杞次于鄆杜預曰陳留襄邑縣東南有鄆城渙水又東南逕鄆城北新城南又東南左合明溝溝水自蓬洪陂東南流謂之明溝下入渙水又逕亳城北帝王世紀曰穀熟爲南亳卽湯都也十三州志曰漢武帝分穀熟置春秋莊公十三年宋公子御說奔于亳者也渙水東逕穀熟城南漢光武建武二年封更始子歆爲侯國又東逕楊亭北春秋左氏傳襄公十二年楚子囊秦庶長無地伐宋師于楊梁以報晉之取鄭也京相璠曰宋地矣今睢陽東南三十里有故楊梁今曰陽亭也俗名之曰緣城非矣西北去梁國八十里渙水又東逕沛郡之建平縣故城南漢武帝元年封杜延年爲侯國王莽之田平也又東逕鄆縣故城南春秋襄公十年會

諸侯及齊世子光于鄆

吳本作鄆誤按左傳皆作會于祖古文祖作鄆

今其地鄆聚是也王莽之鄆治矣渙水又東南逕費

亭南漢建和元年封中常侍沛國曹騰爲侯國騰字季興譙人也永初中定桓帝策封亭侯此城卽

其所食之邑也渙水又東逕鉅縣故城南昔吳廣之起兵也使葛嬰下之渙水又東苞水注之出譙

城北自汀陂陂水東流逕鄆縣南又東逕鄆縣故城南

漢志沛郡有鄆縣又有鄆縣孟康曰鄆音多

漢景帝中元年封周

應爲侯國王莽更之曰留城也音多又東逕稽山北稽氏故居稽本姓奚會稽人也先人自會稽遷

于譙之鉅縣故爲稽氏取稽字之上以爲姓蓋志本也稽氏譜曰譙有稽山家于其側遂以爲氏縣

魏黃初中文帝以鄆城父山桑鉅置譙郡故隸譙焉苞水東流入渙渙水又東南逕蘄縣故城南地

理志曰故垂鄉也漢高帝破黥布于此縣舊都尉治王莽之蘄城也水上有古石梁處遺基尙存渙

水又東逕穀陽縣右會八丈故瀆瀆上承浚水南流注于渙渙水又東逕穀陽城戌南又東南逕穀陽

故城東北右與解水會水上承縣西南解塘東北流逕穀陽城南卽穀水也應劭曰城在穀水又東

北流注于渙渙水又東南逕白石戌南逕蛟城南浚水注之水首受蘄水于蘄縣東南流逕穀陽縣

八丈故瀆出焉又東合長直故溝溝上承蘄水南會于浚浚水又東南流于浚縣故城北縣有垓下

聚漢高祖破項羽所在也王莽更名其縣曰育城應劭曰浚水所出音絞經之絞也浚水又東南入于淮故應劭曰浚水南入淮淮水又東至巉石山潼水注之水首受潼縣西南潼陂縣故臨淮郡之屬縣王莽更名成信矣南逕沛國夏丘縣絕蘄逕夏丘縣故城西王莽改曰歸思也又東南流逕臨潼戍西又東南至巉石西南入淮

淮水又東逕浮山

注

山北對巉石山梁氏天監中立堰于二

山之間道天地之心乖民神之望自然水潰淮矣

淮水又東逕徐縣南歷澗水注之

注

導徐城

西北徐陂陂水南流絕蘄水逕歷澗水西東南流注于淮

淮水又東池水注之

注

水出東城縣

東北流逕東城縣故城南漢以數千騎追羽帥二十八騎引東城因四隤出蘄將而去卽此處也史記孝惠八年封淮南厲王子劉賜爲侯國地理志王莽更名曰武城也池水又東北流歷二山間東北入于淮謂之池口也

淮水又東蘄水注之

注

水首受睢水于穀熟城東北東逕建城縣故城

北漢武帝元朔四年封長沙定王子劉拾爲侯國王莽之多聚也蘄水又東南逕蘄縣縣有大澤鄉陳涉起兵于此燔火爲狐鳴處也南則浚水出焉蘄水又東南北入八丈故溝出焉又東流南北長直故瀆出焉又東入夏丘縣東絕潼水逕夏丘縣故城北又東南逕潼縣南又東流入徐縣東絕歷

澗又東逕大徐縣故城南又東注于淮

淮水又東歷客山逕盱眙縣故城西

注

地理志曰都尉

治漢武帝元朔元年封江都易王子劉蒙之爲侯國王莽更名之曰匡武淮水又東逕廣陵歷淮陽城北臨泗水咀于二水之間述征記淮陽太守治自後置戍縣亦有時廢興也 又東北至下邳

淮陰縣西泗水從西北來流注之

注

淮泗之會卽角城也左右兩川翼夾二水決入之所所謂泗口

也

又東過淮陰縣北中瀆水出白馬湖東北注之

注

淮水右岸卽淮陰也城西二里有公路浦

昔袁術向九江將東奔袁譚路出斯浦因以爲名焉又東逕淮陰縣故城北北臨淮水漢高帝六年封韓信爲侯國王莽之嘉信也昔韓信去下鄉而釣于此處也城東有兩冢西者卽漂母塚也周廻數百步高十餘丈昔漂母食信于淮陰信王下邳蓋投金增陵以報母矣東一陵卽信母冢也縣有中瀆水首受江于廣陵郡之江都縣縣城臨江應劭地理風俗記曰縣爲一都之會故曰江都也縣有江水祠俗謂之伍相廟也子胥但配食耳歲三祭與五岳同舊水道也昔吳將伐齊北霸中國自廣陵城東南築邳城城下掘深溝謂之韓江亦曰邳溟溝自江東北通射陽湖地理志所謂築水也

地理志江

而北至朐口淮自永和中江都水斷其水上承歐陽引江入埭六十里至廣陵城楚漢之